

27. nóvember 1981.

1063

Nr. 660.

REGLUGERÐ

um veitingu lögreglustarfs, lögregluskóla o. fl.

I. KAFLI

Um veitingu starfs í lögregluliði.

1. gr.

Peir sem sækja um lögreglumannsstöðu skulu fullnægja eftirtöldum almennum skilyrðum:

1. Umsækjandi skal vera íslenskur ríkisborgari, 20—30 ára, fjár síns ráðandi og má ekki vera kunnur af óreiðu í fjármálum. Hann skal hafa gott mannorð og vera þekktur að reglusemi og háttvísi.
2. Umsækjandi skal vera a. m. k. 178 cm á hæð, ef um karl er að ræða, en kona 172 cm. Hann skal vera vel vaxinn, með góða líkamsburði, heilbrigður andlega og líkamlega og laus við líkamslýti, hann skal hafa góða sjón á báðum augum, góða heyrn og rétta litarskynjun.
3. Umsækjandi skal hafa lokið grunnskóla og tveggja ára almennu námi í framhaldsskóla eða öðrum sambærilegu námi með fullnægjandi árangri. Sérstök áhersla skal lögð á góða einkunn í íslensku. Umsækjandi skal hafa vald á einhverju Norðurlandamálanna, ensku eða þýsku. Hann skal hafa almenn öku-réttindi til bifreiðaaksturs. Hann skal vera syndur.
4. Umsækjandi skal standast læknisskoðun trúnaðarlæknis og þrekpröfun. Honum skal skylt að ganga undir hæfnispróf í íslensku og vélritun.

2. gr.

Við lögregluskólann starfar sérstök nefnd, valnefnd, sem metur hvort umsækjandi fullnægi framangreindum skilyrðum. Nefndin getur látið umsækjanda ganga undir almennt hæfnispróf og óskað eftir frekari gögnum um einstök atriði umsóknar áður en endanleg ákvörðun er tekin um afgreiðslu hennar.

Heimilt er nefndinni að víkja frá einstökum skilyrðum 1. gr. er sérstakar ástæður mæla með því.

Valnefnd skipa menn, sem eftirtaldir aðilar tilnefna: Dómsmálaráðuneytið, Landssamband lögreglumanna og Sýslumannafélag Íslands. Þá á skólastjóri lögregluskólans sæti í nefndinni og er hann jafnframt formaður hennar. Nú er sótt um starf við tiltekið embætti og tekur þá viðkomandi lögreglustjóri sæti í nefndinni. Heimilt er honum að senda skriflega álitssgerð um umsækjanda í stað þess að taka sæti í nefndinni.

Valnefnd skal senda álitssgerð um umsækjendur til hlutaðeigandi lögreglustjóra.

3. gr.

Nú hefur umsækjandi verið ráðinn í lögreglumannstarf, og skal þá líta á fyrstu 2 starfsár hans sem reynslu- og námstíma, sem skiptist í grunnám og starfsnám.

Nú kemur í ljós á reynslutíma, að lögreglumannsefni fullnægir ekki þeim kröfum, sem gerðar eru til lögreglumanna hvað snertir námshæfileika, ástundun, reglusemi, framkomu og heilsufar og ber þá lögreglustjóra eða yfirlögregluþjóni að semja rökstudda greinargerð um það, sem áfátt þykir. Skal lögreglumannsefni skýrt frá efni greinargerðar, áður en lögreglustjóri tekur ákvörðun um, hvernig með skuli fara.

Eigi skal skipa í fasta lögreglumannstöðu aðra en þá, sem lokið hafa reynslutíma og staðist próf í lögregluskólanum. Vikja má frá þessu ákvæði, ef sérstaklega stendur á.

4. gr.

Eigi skal ráða aðra í héraðslögreglustörf en þá, sem eru íslenskir ríkisborgarar, hafa gott mannorð og eru kunnir að reglusemi og háttvísi, enda séu þeir heilbrigðir andlega og líkamlega. Þeir skulu hafa lokið námskeiði fyrir héraðslögreglumenn, áður en þeir hefja störf.

5. gr.

Lausráðnir starfsmenn, sem gegna lögreglustörfum um stundarsakir skulu sækja undirbúningsnámskeið, sem haldin eru fyrir þá, nema mjög miklum erfiðleikum sé bundið að koma því við að senda þá á námskeið.

II. KAFLI**Um lögregluskóla og starfsnám.****6. gr.**

Við embætti lögreglustjórans í Reykjavík skal starfræktur Lögregluskóli ríkisins, er veiti lögreglumönnum almenna menntun í lögreglufræðum, sbr. 7. og 10. gr., svo og sérmenntun í hinum ýmsu greinum löggæslunnar.

Lögreglustjórinn í Reykjavík veitir skólanum forstöðu og ræður stundakennara og annað starfslíð. Rannsóknarlögreglustjóri ríkisins hefur umsjón með kennslu og prófun lögreglumanna í öllu, er lýtur að rannsókn brota.

Skólanefnd, skipuð lögreglustjóranum í Reykjavík, rannsóknarlögreglustjóra ríkisins og starfsmanni dómsmálaráðuneytisins, tilnefndum af dómsmálaráðherra, skal hafa yfirumsjón með starfsemi lögregluskólans. Starfsmaður dómsmálaráðuneytisins er formaður skólanefndar.

Skólanefnd skal gera tillögur um námsefni og kennara. Nefndinni er heimilt að fella niður eða bæta við námsgreinum, eftir því sem þörf þykir.

7. gr.

Lögreglumenn, sem ráðnir hafa verið til reynslu, skulu kvaddir til náms í lögregluskólanum, svo fljótt sem því verður við komið að mati lögreglustjóra. Fyrri önn grunnnáms standi yfir í 8 vikur hið skemmsta.

Námsgreinar verði:

1. Íslenska.
2. Skýrslugerð.
3. Lögreglufræði.
4. Samþykktir.
5. Umferðarlög og reglur.
6. Ýmis lög.

7. Vettvangsuppdrættir.
8. Slysahjálp.
9. Refsiréttur.
10. Undirstöðuatriði rannsókna.
11. Lögregluæfingar, sund, leikfimi, sjálfsvörn, meðferð lögreglutækja o. fl.
12. Vélritun.
13. Salarfræði.

8. gr.

Kennsla á fyrri önn grunnnáms skal miða að því að veita nemendum nægilega undirstöðuþekkingu til þess að þeir geti hafið störf sem nýliðar. Skal námsefni vera í höfuðatriðum sem hér segir:

Íslenska.

Áhersla verði lögð á að æfa nemendur í réttritun, setningu greinarmerkja og liðlegri setningarskipan, svo og að kynna þeim undirstöðuatriði í málfræði. Gera skal nemandann hæfan til að tjá sig, bæði munnlega og skriflega. Kennsla miðist eftir föngum við atvik, sem algengust eru í starfi lögreglumanns.

Skýrslugerð.

Kennd grundvallaratriði skýrslugerðar og gerð tilkynninga þannig að nemandi verði kleift að leysa á fullnægjandi hátt hvers kyns skýrslugerð, sem honum er falin. Farið yfir niðurröðun efnis, málfar og efnisatriði frumskýrslna. Tekin til meðferðar eftirtalin atriði:

- a. Tilgangur skýrslugerðar.
- b. Notkun skýrslueyðublaða og niðurröðun efnis.
- c. Lýsing á persónum og hlutum.
- d. Tilkynningar, mótteknar og útsendar.
- e. Vitni.
- f. Grunaður.
- g. Vettvangslýsing.
- h. Skráning, röðun og vistun skjala.
- i. Skýrslur vegna umferðarslysa.

Lögreglufraði.

- a. Hlutverk lögreglumanna.
- b. Skipulag lögreglunnar, starfssvið hinna ýmsu lögregludeilda og samvinna þeirra.
- c. Réttindi og skyldur lögreglumanna skv. lögum. Starfsreglur fyrir lögreglumenn.
- d. Samstarf lögreglunnar við aðrar stofnanir.
- e. Heimild lögreglunnar til valdbeitingar. Neyðarvörn. Handtaka.
- f. Reglur um leit á mönnum og húsleit.
- g. Framkvæmd löggæslu: Varðganga, framkoma, leiðbeiningarskylda, áminningar, kærur.
- h. Nokkur grundvallaratriði um uppbyggingu þjóðfélagsins.

Samþykktir.

Farið yfir lögreglusamþykktir um óspektir og ölvun á almannafæri og bent á mismunandi ákvæði í lögsagnarumdæmum, reglu á veitingastöðum og friðun almenningseigna. Ennfremur reglur um meðferð íslenska fánans, lokunartíma sölu-búða o. fl. eftir því sem skólanefnd ákveður.

Umferðarlög og reglur.

- a. Farið yfir meginefni umferðarlaga.
- b. Reglugerð um gerð og búnað ökutækja.
- c. Reglugerð um umferðarmerki.
- d. Umferðarstjórn.
- e. Sérreglur um akstur lögreglumanna.
- f. Erlend ökutæki og ökumenn.
- g. Umferðarslys og orsakir þeirra.
- h. Umferðaröryggi og fyrirbyggjandi aðgerðir.

Ýmis lög.

Nemendum verði gerð grein fyrir sérrefsilöggjöfinni, svo og annarri löggjöf, sem krefst eftirlits eða stjórnunar lögreglu. Námsefni feli í sér yfirferð laganna, gerð grein fyrir tilgangi þeirra, refsíákvæðum og öðrum ákvæðum, sem hafa þýðingu fyrir löggæslu. Sérstaklega verði farið yfir eftirtalin lög: Helgidagalöggjöf, lög um nafnskirteini, áfengislög, veitingalög o. fl. eftir ákvörðun skólanefndar og skólustjóra.

Vettvangsuppdrættir.

Kennd nokkur undirstöðuatriði mælingartækni, uppdrættir af vettvangi og skýrð þýðing nákvæmra uppdrátta við rannsókn máls.

Slysaþjálf.

Lífgun úr dauðadái, frumaðstoð og flutningur slasaðra.

Refsiréttur.

Skýrð helstu hugtök almenna hluta refsiréttarins og farið yfir algengustu brot í sérstaka hlutanum. Farið sérstaklega yfir hugtök eins og neyðarvörn, neyðarrétt, sakhæfi, þjófnað, nytjastuld, manndráp og líkamsmeiðingar, refsingar og önnur viðurlög.

Undirstöðuatriði rannsókna.

Kennd undirstöðuatriði nokkurra rannsóknaraðferða og nemendum gert kleift að annast einfaldar rannsóknir. Farið yfir það helsta, sem varðveita þarf á brota-stað og hvernig tryggja beri, að sakargögn spillist ekki.

Lögregluæfingar.

Sundkennsla miði að því að gera nemanda færan um að bjarga manni frá drukknun. Leikfimi miði að því að gera nemanda liðlegan í hreyfingum og göngu-lagi. Kennd undirstöðuatriði við handtöku, leysiaðferðir og kylfunotkun. Æfingar í umferðarstjórn. Leit að týndu fólki.

Vélritun.

Áhersla lögð á uppsetningu og góðan frágang og að nemendur skili villulaus-um texta.

Sálarfræði.

Farið yfir nokkur atriði hagnýtrar sálarfræði sem koma lögreglumönnum að gagni í starfi þeirra.

9. gr.

Nú hefur lögreglumaður sótt fyrri önn grunnnáms skv. 7. gr. og staðist próf að því loknu og hefst þá starfsnám hans. Starfsnám skal að hluta fara fram í fjölmennu lögregluliði í þéttbýli, eftir nánari ákvörðun ráðuneytisins. Starfsnámið fer fram undir eftirliti viðkomandi lögreglustjóra, yfirlögreglubjóns eða annars yfirmanns, er lögreglustjóri tilnefnir og skal hagað í samræmi við reglur, sem skólanefnd setur. Gæta skal þess, eftir því sem við verður komið að verkefni séu við hæfi lögreglumannsins, miðað við starfsaldur, nám og reynslu. Yfirmaður ræðir reglulega við lögreglumanninn um dagleg störf hans, svarar fyrirspurnum og veitir ábendingar um það, sem betur hefði mátt fara. Á fjögurra mánaða fresti skal yfirmaður gera skýrslu um nám lögreglumannsins, framfarir og annað, sem máli kann að skipta um starfshæfni hans. Afrit af þeirri skýrslu skal senda til skólanefndar. Starfsnám skal standa yfir í a. m. k. 8 mánuði.

10. gr.

Lögreglumaður skal kvaddur á síðari önn grunnnáms svo fljótt sem aðstaður leyfa að loknu starfsnámi skv. 9. gr.

Síðari önn grunnnáms skal standa yfir í 6 mánuði. Námsgreinar verði:

1. Íslenska.
2. Skýrslugerð.
3. Lögreglufræði.
4. Meðferð opinberra mála.
5. Samþykktir.
6. Umferðarlög og reglugerðir.
7. Ýmis lög.
8. Refsiréttur.
9. Þjóðfélagsfræði.
10. Persónu- og sifjaréttur.
11. Rannsókn afbrota.
12. Vettvangsupndráttir.
13. Rafmagnstæki og hættuleg efni.
14. Sálarfræði.
15. Slvsaþjálf.
16. Lögregluæfingar, umferðarstjórn, siðsvörn, meðferð lögreglutækja, leikfimi, sund o. fl.
17. Fyrirlestrar um ýmis efni er snerta löggæslustörf.
18. Erlend tungumál.

11. gr.

Kennsla á síðari önn grunnnáms miði að því að veita haldgóða fræðslu í almennu lögreglustarfi. Skal námsefni vera í höfuðatriðum sem hér segir:

Íslenska.

Kennsla beinist einkum að skýrslugerð með vönduðu málvari og greinilegri framsöfnun og framsögn. Áhersla verði lögð á réttitun og greinarmerkjasöfnun.

Skýrslugerð.

Farið yfir reglur um skýrslugerð. Kennð yfirheyrslutækni gagnvart sakaraðilum og vitnum. Kennð skýrslugerð á rannsóknarstigi máls og hvers beri að gæta við rannsókn mála. Gerðar skýrslur um fjölbreytt efni, er snertir þessar ýmsu námsgreinar sem kenndar eru á önninni.

Lögreglufræði.

Starfssvið lögreglunnar, stöðvarþjónusta, starf á varðsvæði, varðgæsla.

Valdbeiting (notkun kylfu og annarra lögreglutækja), meðferð mála varðandi sjúka menn, hjálparvana eða slasaða, líkfundur, meðferð fundinna fjármuna, lög-gæsla á brunastað, óspektir, lokanir á götum eða svæðum, verndun ummerkja á mönnum, munum eða vettvangi, þannig að sakargögn fari ekki forgörðum.

Meðferð opinberra mála.

1. Lög um meðferð opinberra mála. Gildissvið laganna. Aðgreining opinberra mála og einkamála. Heimildir til að hafa uppi í opinberu máli kröfur borgararéttar eðlis.
Tengsl opinberra mála og refsiréttar.
2. Almennt yfirlit um skipulag og hlutverk dómstólanna, ákærvaldsins og lög-reglunnar.
3. Almenn kæruskvlda. Frumkvæði lögreglu til aðgerða vegna refsiverðrar háttsemi.
4. Frumrannsókn opinbers máls og ráðstöfun þess að henni lokinni.
Ákvörðun ríkissaksóknara um meðferð máls. Niðurfelling, frestun ákæru, ósk um að dómari liúki máli með dómssátt og málshöfðun. Efni ákæru.
5. Heimildir dómara. Lögreglustíora og lögreglumanna til þess að ljúka opinberu máli án málshöfðunar.
6. Rannsókn og meðferð opinbers máls fyrir dómi.
7. Fullnusta refsidóma.
8. Almenn um sakborning og réttarstöðu hans.
9. Valdbeiting lögreglumanna. Handtaka. Gæsluvarðhald. Hald á munum. Leit. Yfirheyrsla sakaðra manna.
10. Vitni og yfirheyrsla þeirra.
11. Sækjandi. Verjandi. Réttargæslumaður.

Samþykktir.

Helstu reglur heilbrigðissamþykktar, vinnuverndarákvæða, byggingarsamþykktar, brunamálasamþykktar o. fl. eftir því sem skólanefnd ákveður.

Umferðarlög og reglur.

Farið yfir meginefni umferðarlaga og reglugerðir settar samkvæmt þeim. Sér-staklega farið yfir eftirtalin atriði:

- a. Umferðarlögin, gildissvið og orðaskýringar.
- b. Ökukennsla, próf og ökuskírteini.
- c. Ökumaðurinn.
- d. Ökutækið, skráning og eftirlit.
- e. Ábyrgð eiganda ökutækis.
- f. Umferðarreglur.
- g. Stöðvun ökutækja.
- h. Sérstakar reglur um ákveðna veggfarendur s. s. gangandi fólk, hiólreiðamenn og hestamenn.
- i. Skyldur ökumanns við umferðarslys, svo og skyldur lögreglunnar.
- j. Umferðarstjórnun. Umferðarmerki.
- k. Akstur lögreglumanna, sérreglur.
- l. Refsi- og viðurlagaákvæði umferðarlaganna.

- m. Erlend ökutæki og ökumenn.
- n. Ábyrgðarreglur.
- o. Umferðarslys og orsakir þeirra.
- p. Umferðaröryggi og fyrirbyggjandi aðgerðir.
- q. Verklegar æfingar.

Ýmis lög.

Farið yfir eftirtalin lög og fleiri, ef skólanefnd ákveður svo:

- 1. Ríkisborgaralög og útlendingalög.
- 2. Veitingalöggjöf.
- 3. Löggjöf um skotvopn, sprengiefni og skotelda o. fl.
- 4. Friðunarlöggjöf.
- 5. Lög um vernd barna og ungmenna.
- 6. Lög um nafnskírteini.
- 7. Náttúruverndarlög, lög um lax- og silungsveiði, friðunarlög.
- 8. Helgidagalöggjöf og reglur um lokunartíma sölubúða.
- 9. Lög um meðferð ölvaðra manna og drykkjúsjúkra.
- 10. Lög um horfna menn.

Refsiréttur.

Skýrð grundvallarhugtök almenna hluta refsiréttarins og þau tengd algengustu brotum. Sérstaklega farið yfir tilraun og hlutdeild, ásetning, fullframningu brots, varnaðaráhrif refsinga, hugtakið refsingu og önnur viðurlög. Manndráp og líkamsmeiðingar, nauðungarbrot, brot gegn valdstjórninni, brot á almannafriði og brot í opinberu starfi.

Þjóffélagsfræði.

Farið yfir nokkur atriði úr réttarsögu, svo sem þjóðveldi, konungsdæmi, lýðveldi, brúun stjórnskipunarlagar og skýrð stjórnarskráin. Skýrð hugtökin lýðveldi og þingræði. Sagt frá helstu stofnunum og tengslum þeirra, stjórnmalaflokkum og hagsmunahópum. Þátttaka Íslands í alþjóðlegu samstarfi. Kosningar og kosningaréttur.

Persónu- og sifjaréttur.

Lögræði, lögræðissvipting, lögráðamenn, stofnun og slit hjúskapar, réttarstaða barna og kjörbarna.

Rannsókn afbrota.

Nemendum kenndar aðalreglur um rannsókn afbrota. Farið yfir rannsókn nokkurra flokka afbrota, kennd yfirheyrslutækni, aðferð við leit á mönnum, í húsum og víðavangi. Æfingar í mannlýsingum, upptöku fingrafara og ljósmyndun.

Vettvangsupprættir.

Mælingatækni. Nemendum kennt að gera flóknari upprætti en á fyrri önn, hæði á götum, víðavangi og innanhúss.

Rafmagnstæki og hættuleg efni.

Farið yfir ýmsar hættur varðandi rafmagn, svo og hvernig rjúfa á straum svo hættulaust sé o. fl.

Farið yfir nokkra flokka hættulegra efna, svo sem sprengiefni, hættulegar gastegundir o. þ. h., geymslu, meðferð og flutning framangreindra efna og viðbrögð við hættuástandi.

Sálarfræði.

Nokkur atriði úr hagnýtri sálarfræði, er snerta lögreglustarfið.

Slysa hjálp.

Fullkomið námskeið í skyndihjálp, lífgunaraðferðir og meðferð tækja.

Lögregluæfingar o. fl.

Umferðarstjórn, handtaka, gangfyllkingar, meðferð og heiting lögreglutækja, sjálfsvörn, sund og leikfimi. Æfingar í framkvæmd ýmissa lögregluaðgerða.

Erlend tungumál.

Kennsla beinist einkum að talmáli, sem getur komið að hagnýtum notum fyrir lögreglumenn í starfi.

12. gr.

Í lok annar samkvæmt 7. og 10. gr. skulu nemendur prófaðir í námsgreinunum og þeim gefnar einkunnir í heilum tölum frá 1—10. Til þess að standast próf þarf nemandi að fá einkunnina 4 hið minnsta í hverri námsgrein og einkunnina 5 hið minnst í íslensku.

Skólanefnd setur nánari reglur um framkvæmd prófa. Fyrir verklega þjálfun, þar með talið starfsnám, má gefa tvær einkunnir, fullnægjandi eða ófullnægjandi.

Skrifleg próf dæmir hlutaðeigandi kennari einn. Nemandi á rétt á að fá útskýringar kennara á mati skriflegrar úrlausnar sinnar, ef hann æskir þess innan 15 daga frá birtingu einkunnar. Vilji nemandi, sem ekki hefur staðist próf, þá eigi una mati kennarans, getur hann snúið sér til skólastjóra. Skipar skólastjóri þá prófdómara í hverju tilviki.

Kennari og prófdómari, ef því er að skipta, dæma í sameiningu úrlausnir. Hvor um sig gefur sjálfstætt einkunn fyrir úrlausnina og gilda þær jafnt í einkunnagjöf.

Við munnleg próf, eða þar sem skriflegu prófi verður ekki komið við, skal vera einn prófdómari.

Kennari eða meirihluti nemenda geta óskað skipunar prófdómara í einstöku prófi, telji þeir til þess sérstaka ástæðu.

III. KAFLI

Um framhaldsnám o. fl.

13. gr.

Hlutast skal til um, eftir því sem við verður komið, að lögreglumenn eigi kost á endurmenntunarnámskeiði innan 5 ára frá því að þeir luku námi við lögregluskólann og síðan á a. m. k. 10 ára fresti. Á námskeiðinu skal rifjað upp námsefni grunnnámsins og kynntar lagabreytingar og nýjungar, er snerta störf lögreglumanna.

14. gr.

Við lögregluskólann skal starfrækt framhaldsdeild. Kennsla framhaldsdeildar skal miða að því, að gera nemendur hæfa yfirmenn í lögreglu. Náms efni verði

ákveðið af skólanefnd í samráði við dómsmálaráðuneytið, sem ákveður fjölda þátttakenda í náminu að undangenginni auglýsingu.

Miða skal að því, að yfirmenn verði ekki skipaðir nema þeir hafi lokið framhaldsdeildarprófi.

15. gr.

Í lögregluskólanum skulu haldin námskeið í ýmsum sérgreinum á sviði löggæslu, þ. á m. um rannsókn afbrota, fíkniefnarannsóknir, hraðamælingar, bifhjólaakstur o. fl., samkvæmt nánari ákvörðun skólanefndar.

16. gr.

Við lögregluskólann skulu haldin námskeið fyrir héraðslögreglumenn og lausráðna starfsmenn. Námsefni og kennsla skulu ákveðin af skólanefnd með hliðsjón af námsefni skv. 7. og 10. gr.

17. gr.

Við lögregluskólann skal starfa a. m. k. einn kennari í fullu starfi. Auk almennrar kennslu skal hann hafa umsjón með öflun kennslubóka og annars námsfnis og skipulagningu skólastarfsins undir stjórn skólastjóra.

18. gr.

Reglugerð þessi, sem sett er með heimild í 2. málsg. 9. gr. laga nr. 56/1972 um lögreglumenn, tekur gildi 1. janúar 1982 og jafnframt fellur úr gildi reglugerð nr. 254 1965.

Ákvæði til bráðabirgða.

Á árinu 1982 er skólanefnd heimilt að stytta námstíma á síðari önn grunnnáms sbr. 10. gr. Náms tíminn má þó eigi vera skemmri en 4 mánuðir.

Dómsmálaráðuneytið. 27. nóvember 1981.

Friðjón Þórðarson.

Hjalti Zóphóníasson.

SAMÞYKKT

fyrir Veiðifélag Héðinsfjarðar.

1. gr.

Félagið heitir Veiðifélag Héðinsfjarðar.
Heimili þess og varnarþing er á Siglufirði.

2. gr.

Félagið nær til allra jarða, sem land eiga á vatnasvæði Héðinsfjarðar frá ósi í sjó um Héðinsfjarðarvatn og um allar ár og læki, sem í umrætt vatn falla. Þessar jarðir eru Ámá, Grundarkot, Möðruvellir, Vatnsendi og Vík.

3. gr.

Verkefni félagsins er að viðhalda góðri fiskigengd á félagssvæðinu og ráðstafa veiði eftir því sem aðalfundur ákveður. Félagið tekur til allrar veiði á félagssvæðinu.